



Pou Piblikasyon Imedya: 29/07/2022

GOUVÈNÈ KATHY HOCHUL

GOUVÈNÈ HOCHUL ANONSE LANSMAN KONSÈY KONSILTATIF POU ANDIKAP ENTELEKTYÈL AK DEVLÒPMANTAL YO SOU VYOLANS DOMESTIK

Biwo pou Prevansyon Vyolans Domestik pral kreye patenarya ak Konsèy Planifikasyon pou Andikap Devlopmantral la pou Lanse Konsèy Konsiltatif pou Andikap Entelektyèl ak Devlopmantral

Konsèy Konsiltatif pou Andikap Entelektyèl ak Devlopmantral la pral elaji aksè ak sèvis vyolans domestik yo pou moun ki gen IDD yo ki se sivivan vyolans domestik

Gouvènè Kathy Hochul te anonse jodi a lansman Konsèy Konsiltatif pou Andikap Entelektyèl ak Devlopmantral (Intellectual and Developmental Disabilities, IDD) la, ki pral ranfòse kapasite talafwa sistèm vyolans domestik ak sistèm andikap entelektyèl ak devlopmantral yo pou ogmante aksè ak sèvis vyolans domestik (domestic violence, DV) pou moun ki gen IDD ki se sivivan vyolans domestik tou. Atravè Konsèy Konsiltatif la, Biwo Prevansyon Vyolans Domestik (Office for the Prevention of Domestic Violence, OPDV) Eta New York la ak Konsèy Planifikasyon pou Andikap Devlopmantral (Developmental Disabilities Planning Council) Eta Nouyòk la pral travay ansanm pou devlope ak aplike fòmasyon konpetans pou founisè sèvis andikap entelektyèl ak devlopmantral ak founisè sèvisvyolans domestik yo. Konsèy Konsiltatif la pral bay ekspètiz ak konesans pou enfòm devlopman pwojè, revize epi ofri kòmantè sou fòmasyon yo kabay bay la, konsilte estrateji sansibilizasyon pou ankouraje aksesibilite, epi patisipe nan yon pilòt livrezon fòmasyon.

"Manman mwen te ouvri yon kay pou sivivan vyolans domestik ak vyolans ki baze sou sèks, kidonk ranfòse sèvis nan kominote vilnerab yo, ki gen ladan moun ki gen andikap entelektyèl ak devlopmantral, se yon pwoblèm ki touche kè mwen." **Gouvènè Hochul te deklare.** "Pandemi a te mennen trajikman nan yon ogmantasyon vyolans domestik ak vyolans ki baze sou sèks, se poutèt sa nou pran angajman pou asire sivivan yo ka jwenn aksè san danje nan èd ak sèvis yo bezwen."

Direktè Egzekitif Biwo pou Prevansyon Vyolans Domestik Eta New York la, Kelli Owens, te deklare, "Moun ki gen andikap yo fè fas ak vyolans domestik ak vyolans seksyèl nan yon pousantaj ki trè wo. Pandan OPDV ap transfòme sistèm livrezon sèvis vyolans ki baze sou sèks la pou yo vin pi plis santre sou sivivan yo, enfòm sou

twomatiz, ak reponn sou plan kiltirèl, nou dwe fè tandè vwa moun ki poko gen yon plas bò tab la. Mwen fyè pou m sèvi yon Gouvènè ki rekonèt bezwen inik moun ki andikape yo epi ki sipòte inisyativ ki kreye aksesibilite ak ekite pou tout moun."

OPDV pral travay ak yon ajans konsiltasyon ki espesyalize nan Andikap Entelekyèl ak Devlopmantral pou devlope yon fòmasyon konplè sou idantifye ak travay ak moun IDD ki fè fas a abi yo. Fòmasyon sa a pral ede anplwaye founisè DV ak IDD jwenn konpetans pou reponn ak moun ki gen IDD k ap fè eksperyans DV epi konekte sivivan yo avèk resous ak sipò apwopriye.

Komisè Pwovizwa nan Biwo pou Moun Ki Gen Andikap Devlopmantral (Office for People with Developmental Disabilities, OPWDD) nan New York, Kerri E. Neifeld, te deklare, "Fanm ki gen andikap yo gen twa fwa plis chans pou yo sibi vyolans domestik pase tokay yo ki pa andikape yo. Nou dwe travay pou sipòte ak otorize moun ki gen andikap devlopmantral ki te fè eksperyans vyolans domestik ak konjigal epi asire yo tandè vwa yo. Mwen rekonesan anvè Gouvènè Kathy Hochul, OPDV ak DDPC NYS pou lidèchip yo nan etabli Konsèy Konsiltatif pou Andikap Entelekyèl ak Devlopmantral pou amelyore sekirite ak byennèt Nouyòkè yo ki gen andikap devlopmantral yo. OPWDD pran angajman pou l fè patenarya ak Ajans Eta parèy nou yo nan efò sa a."

Direktris Egzekitif Adjwen Konsèy Planifikasyon pou Andikap Devlopmantral Eta New York la, te deklare, "Nou konnen ke moun ki gen andikap yo gen plis chans pou yo viktim vyolans domestik pase moun ki pa gen andikap. Konsèy Planifikasyon pou Andikap Devlopmantral la kontan fè patenarya ak Biwo pou Prevansyon kont Vyolans Domestik la nan inisyativ enpòtan sa a pou edike anplwaye nan alafwa ajans founisè IDD ak DV yo sou fason pou rekonèt siy Vyolans Domestik pou moun ki andikap yo epi pou yo reponn kòm sadwa avèk enfòmasyon ak resous ki aksesib. Nou felisite OPDV dèske li te chwazi yon Konsèy Konsiltatif solid pou fasone pwojè a epi nou gen konfyans manm sa yo pral ede ranfòse rezilta pwojè yo."

Lis manm yo disponib pi ba a:

- Nancy Nowak - Defansè Prensipal nan Pwogram Pwoteksyon ak Defans pou Moun ki gen ID/DD, Disability Rights NY
- Vanessa E. Eybers - Direktris Sèvis Anplwa, Camp Venture
- Janna Kopacki - Direktè Sèvis Avantaj yo, nan Southern Adirondack Independent Living Center
- Michelle Cook - Sipèvizè Jesyon Swen nan Tribi, St. Regis Mohawk Tribe
- Imani Whitfield - Defansè Viktim Krim, Konte Albany DA
- Alexa Donnelly - Direktè Egzekitif Adjwen, Person Centered Care Services (Sèvis Swen ki Santre sou Moun)
- Anastasia Holoboff - Konseye Jiridik Prensipal, Women Enabled International
- Laura Holland - Pwopriyetè, All Ability Wellness

- Mona Kelly - Parapwofesyonèl, Amityville Public Schools (Lekòl Piblik Amityville)
- Andrew Richardson - Pwofesyonèl Sipò Dirèk, Heritage Christian Services
- Susan Ruff - Direktris Defans, Southern Tier Endepandans Center
- Tiffany Pavone - Diretris Pwojè, Community Services for Every1

[Biwo Prevansyon kont Vyolans Domestik](#) la se sèl ajans eta nan nivo egzekitif peyi a ki devwe ak pwoblèm vyolans domestik la. Liy Asistans pou Vyolans Domestik ak Seksyèl eta a bay sipò gratis, konfidansyèl 24 sou 24 ak 7 jou sou 7, epi li disponib nan majotite lang yo: 800-942-6906 (pou apèl), 844-997-2121 (mesaj tèks) oswa nan @opdv.ny.gov (tchat).

###

Lèt nouèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418